



RESOLUCIÓN do 28 de xuño , da Dirección Xeral de Pesca, Acuicultura e Innovación Tecnolóxica, pola que se resolven as solicitudes para o acceso temporal ao ámbito da reserva mariña de interese pesqueiro Ría de Cedeira a diversas embarcacións.

Antecedentes.

1. O 29/05/2018, na reunión do órgano de xestión, seguimento e control (en adiante Oxesco) da reserva mariña de interese pesqueiro Ría de Cedeira (en adiante Remip-Ría de Cedeira), a Confraría de pescadores entrega as solicitudes das seguintes embarcacións para acceder á Remip coas modalidades e períodos:

Embarcación	Matrícula	Tipoloxía	Modalidade de solicitude	Período solicitado 2018
"PLAYA DE SONREIRA"	3 ^a -FE-4-2-07	>1,5 GT (1,64 GT)	Nasa Nécora e Camarón	1 de xullo – 31 de decembro (ambos inclusive)
"O MEIXON"	3 ^a -CO-1-1-09	>1,5 GT (2,09 GT)	Nasa Nécora e Camarón	1 de xullo – 31 de decembro (ambos inclusive)
"SUSANA"	3 ^a -CO-4-1556	<1,5 GT (1,34 GT)	Nasa Nécora e Camarón	1 de xullo – 31 de decembro (ambos inclusive)
"HORA BUENA"	3 ^a -VI-4-5553	<1,5 GT (1,12 GT)	Nasa Nécora e Camarón	1 de xullo – 31 de decembro (ambos inclusive)
"O CANOURA"	3 ^a -FE-5-1-16	≤1,5 GT (1,5 GT)	Nasa Nécora e Camarón	1 de xullo – 31 de decembro (ambos inclusive)
"LEISON"	3 ^a -FE-4-2-2003	>1,5 GT (1,53 GT)	Palangrillo	Desde Resolución da DXPAI

2. Xunto ás solicitudes entregouse o informe elaborado pola asistencia técnica respecto ao estado da pesquería da nasa nécora e camarón no ámbito da reserva mariña.

3. Nas datas 04/05/2018, 19/04/2018 e 17/04/2018 a Dirección Xeral de Pesca, Acuicultura e Innovación Tecnolóxica autorizou o cambio de modalidade para nasa nécora-camarón, respectivamente, ás embarcacións "O CANOURA" e "SUSANA", dende o 1 de xullo ata o 31 de decembro de 2018, e á embarcación "HORA BUENA" dende o 1 de Xuño ata o 31 de decembro de 2018.

Consideracións legais e técnicas.

1. O Decreto 28/2009, do 29 de xaneiro, polo que se crea a reserva mariña de interese pesqueiro Ría de Cedeira (DOG núm. 33, do 17 de febreiro de 2009; corrección de erros DOG núm. 49, do 11 de marzo de 2009) establece, no seu artigo 4º, as actividades permitidas e limitacións no uso da reserva. Entre as actividades permitidas:

"A) A pesca marítima profesional coas artes e aparellos tradicionalmente utilizados na zona: anzois, nasas, enmalle nas modalidades tradicionalmente autorizadas e de conformidade co



establecido no Plan de xestión integral a que se refire o artigo 7º."

2. O artigo 8º, no que se regulan as condicións de acceso ao ámbito da reserva mariña, establece que poderán exercer a pesca marítima profesional neste ámbito as embarcacións de arqueo igual ou inferior a 1,5 GT. Non obstante, na epígrafe 3 do artigo 8º.1 tamén se determina:

"[...]

Co fin de adecuar as posibilidades reais de pesca ao estado dos recursos e ás características da frota, a dirección xeral competente en materia de recursos mariños, por proposta do órgano de xestión, seguimento e control, poderá autorizar temporalmente o acceso a embarcacións de arqueo superior a 1,5 GT. En todo caso, respectaranse os fins perseguidos no ámbito da reserva e recollidos no artigo 1.2 deste decreto e teranse en conta os informes técnicos emitidos ao respecto."

3. A Orde do 18/08/2010 (DOG núm. 173, do 8 de setembro de 2010), pola que se regula o uso e xestión da Remip-Ría de Cedeira, define no seu artigo 4 os usos pesqueiros permitidos:

"1. [...] poderán desenvolver a pesca marítima profesional nas áreas non delimitadas como reservas integrais e como zonas de protección especial, coas seguintes artes e aparellos tradicionalmente utilizados na zona:

a) Artes de anzol: liña/cordel e palangriño.

b) Nasas: nasa nécora, nasa polbo e nasa camarón.

c) [...]

Non obstante, nas augas continentais respectarase a normativa relativa ao uso e calamento das artes de anzol e enmalle."

4. O Plan de xestión integral para o ano 2018, aprobado pola Resolución do 19/12/2017 da Dirección Xeral de Pesca, Acuicultura e Innovación Tecnolóxica regula o uso das artes de enmalle, anzol e nasas e as principais pesqueiras con elas nas súas epígrafes 2.6.2.1, 2.6.2.2 e 2.6.2.3, respectivamente.

5. O 21 de Xuño de 2018, a subdirección de Investigación e Apoio Científico-Técnico da Dirección Xeral de Desenvolvemento Pesqueiro emitiu informe respecto das solicitudes presentadas.

6. O 27 de Xuño de 2018, o órgano de xestión, seguimento e control emitiu proposta favorable respecto as solicitudes presentadas polas embarcacións "PLAYA DE SONREIRA", "O MEIXON", "SUSANA", "HORA BUENA", "O CANOURA" e "LEISON". En relación coa embarcación "LEISON", faráselle un seguimento do emprego ou non da arte de palangrillo, de cara á concesión dos permisos especiais-temporais do ano 2019.



7. O artigo 8 do Decreto 168/2015, do 13 de novembro, polo que se aproba a estrutura orgánica da Consellería do Mar atribúelle á Dirección Xeral de Pesca, Acuicultura e Innovación Tecnolóxica a dirección e a coordinación das competencias e funcións en materia de ordenación pesqueira en augas interiores así como de conservación, protección e xestión sustentable dos recursos mariños.

De acordo con todo o anterior,

RESOLVO:

Autorizar o acceso temporal ao ámbito da Remip-Ría de Cedeira ás seguintes embarcacións coas modalidades e períodos que se indican a continuación:

Embarcación	Matrícula	Tipoloxía	Modalidade de solicitude	Período solicitado 2018
"PLAYA DE SONREIRA"	3 ^a -FE-4-2-07	>1,5 GT (1,64 GT)	Nasa Nécora e Camarón	1 de xullo – 31 de decembro (ambos inclusive)
"O MEIXON"	3 ^a -CO-1-1-09	>1,5 GT (2,09 GT)	Nasa Nécora e Camarón	1 de xullo – 31 de decembro (ambos inclusive)
"SUSANA"	3 ^a -CO-4-1556	<1,5 GT (1,34 GT)	Nasa Nécora e Camarón	1 de xullo – 31 de decembro (ambos inclusive)
"HORA BUENA"	3 ^a -VI-4-5553	<1,5 GT (1,12 GT)	Nasa Nécora e Camarón	1 de xullo – 31 de decembro (ambos inclusive)
"O CANOURA"	3 ^a -FE-5-1-16	≤1,5 GT (1,5 GT)	Nasa Nécora e Camarón	1 de xullo – 31 de decembro (ambos inclusive)
"LEISON"	3 ^a -FE-4-2-2003	>1,5 GT (1,53 GT)	Palangrillo	Desde Resolución da DXPAI

As embarcacións deberán cumprir as condicións establecidas na Orde do 18/08/2010 e no Plan de xestión integral aprobado para 2018 para as respectivas modalidades e pesqueiras autorizadas.

Contra esta resolución, que non esgota a vía administrativa, poderase interpoñer recurso de alzada ante a Conselleira do Mar da Xunta de Galicia, no prazo dun mes contado a partir do día seguinte ao da súa notificación, de acordo co disposto nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

A Directora Xeral de Pesca, Acuicultura e Innovación Tecnolóxica
Mercedes Rodríguez Moreda

